



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

10. Dies Martii. Genus quoddam sanitatis est, hominem interdùm non esse sanum. Salvianus Epist. 312.

Nutzungsbedingungen

[urn:nbn:de:hbz:466:1-55659](#)

184. *Christiani Militis.* Martius.
corpus tuum. Potius exulta ob beneficium, & inter-
tristia expecta auxilium, memor illius versus.

Auxilium Christi, venit ad nos tempore tristis.

10. DIES MARTII.

Genus quoddam sanitatis est, hominem
interdum non esse sanum. *Salvianus,*
Epist. 312.

Nec morbi.

I.

Vix mente sanum dixeris, qui corporis sanitatem perdidisse,
non reputet genus quoddam esse Divinæ Misericordiæ. A
nobis, nostraq; sententia est, morbos à Deo esse: rigi-
tur non potest non esse beneficium, quod est à Do-
mino benevolo, & benefico; quod omnis boni au-
torem habet. Est à cœlesti Medico, qui medicum
non minus agit cùm sanat, quam cùm tollit sanita-
tem. Quid milius debes, aut pores optare, quam
velle, & habere quod est melius? Hoc solum est,
quod vult, & amat is, qui in se, & tibi est melior,
Deus tuus, Deus est infinitè potens, infinitè sapiens,
& infinitè bonus. Plus te diligit, quam tu te ipsum;
plus desiderat bonum tuum: melius scit quomodo
illud consequi possis: vires habet ut tollat omnes or-
bices, & efficiat, quod ad id expediat. Quid igitur
cogitas, dum ob morbum tibi divinitus immisum
ploras? An Deus qui est sapientia fallitur, & errat? An
qui est Bonitas, affligit te voluntate non bonâ? An
qui est Potentia, hic deficit nec potuit efficere, ut
illam, quam infestaris, ægritudinem declinares?
Non morbus ille tibi evenit ex imbecilitate Dei,
quam

Martius.

Tessera.

185

quasi non potuisset, aut malitia, quia noluisset, aut deceptione quasi nescivisset, malum quod pateris propulsare, sed ex sapientia, Potentia, Bonitate summa. Cur tu reprobas, quod approbant, & in quo occupantur Attributa Divina?

II. Rem pressius urgeamus. Corporis ægritudo, hoc boni affert etiam malis: homini hominem objicit, & dum infirmatur, humanae naturæ detegit infirmitatem, ex cuius cognitione, nascitur germana fortitudo; ut jam sæpe major se ipso incipiat esse, quo incipit hâc notitiâ esse minor. Sinit deinde Deus te dolorem sentire morbi, ut dolorem concipiás peccati: & sic veniendo ad summum Medicum, discas detestari summum malum. Unde virtus omnia ne se prodant, sopit. Raro alterum ad singulare certamen provocabit Paralyticus: non oberrabit tesqua, & saltus, ut latrocinia committat, podagricus: eacostomachus non se onerabit crapulâ: nec periclitatur de ebrietate, qui vini naufragium patitur: nec in venerem feretur, quem corporis dolores non sinunt de voluptate cogitare. Itaque contra dolores, morbi comites, excitandus, evigendus, & armandus est animus, contraque suos hostes in aciem educendus. Cogita igitur illud palmarum argumentum. Dolor quem morbus infert, vel est remissus, vel est vastus: si remissus, facilem, si vastus, brevem requirit patientiam. Parce gemitibus, aut fugiet, aut fuget necesse est. Sic utrumque libertas est in foribus.

III. Denique morbus cum sit mortis prodromus, est instantis quoque æternitatis nuntius. Unde mortalibus statim se effert supra mortalia; & terræ incola, iam nunc sit animo exilicola: nam morbi malorum

M. 5

omnium

omnium finem, ac honorum principium prælagiunt.
 Dic, age, si molectissimo diu clausis carcere, malè
 materialium patietem rimas agere, minarique ruinam
 observares; an non gauderes fugæ, libertatique tuæ
 aditum aperiri? Annis sensim, malisque, ac denique
 morbis satiscit corporis moles: gaudet, brevi conse-
 queris gloriosas corporis dotes: libertas animi proxi-
 ma est: dum enim animam agis, cancer tuus rimas a-
 git: mox animus è suis vinculis evolabit in Patriam.
 Aperitur tibi aditus, quo penetres cælorum adytæ.
 Quid malè ob malam suspiras valetudinem? Emor-
 bo convalescere nil aliud est quām reparatis ruinis
 firmiore claudi carcere, novisque constringi compe-
 ditibus. Est ab ipsa, quām propè manu contingebas,
 metā, revocari ad carcerem. Est hostem duro con-
 flictu prostratum surgere, reparatisque viribus certa-
 men instaurare. Unum interim temoneo, ante mor-
 bum de vita dispone, & vitanda propone. Nam ut
 plurimum infirmorum infirma sunt proposita. Su-
 fragatur mihi Poeta.

*Demon languebat, monachus tunc esse volebat,
 Ast ubi convalevit, mansit ut ante fuit.*

II. DIES MARTII.

Nemo nisi suo vitio, miser est. *Senec. ep. 70.*

Neculla I.
 alia mis-
 tra.

Sub titulo Miseriæ comprehendun-
 tur mala omnia simul congloba-
 ta. Quapropter rationibus adfe-
 rendis expugnemus Miseriam si-
 mul.